

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: UP1-10/1-34-026391-11/22
Tuzla, 10.05.2023. godine

Ministarstvo obrazovanja i nauke Tuzlanskog kantona, u postupku po zahtjevu Visoke škole za finansije i računovodstvo FINra Tuzla, broj: 01-757-1/20 od 14.07.2022. godine, za licenciranje studijskog programa prvog ciklusa studija „Ekološka poljoprivreda“, na osnovu člana 27. stav (6) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 22/21, 5/22, 11/22 i 16/22) i člana 21. stav (1) Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22), donosi

RJEŠENJE

1. Visokoj školi za finansije i računovodstvo FINra Tuzla, odobrava se izvođenje studijskog programa prvog ciklusa studija „Ekološka poljoprivreda“, u trajanju od 4 akademske godine (8 semestara), čijim završetkom se stiče zvanje Bachelor inženjer ekološke poljoprivrede, koje se vrednuje sa 240 ECTS bodova.

2. Dozvola za izvođenje studijskog programa (licenca) za studijski program iz tačke 1. ovog rješenja izdaje se na period od pet godina, i vrijedi za upis studenata počev od naredne akademske godine.

3. Ovo rješenje proizvodi pravno dejstvo danom njegovog donošenja.

Obrazloženje

Ministarstvo obrazovanja i nauke Tuzlanskog kantona (u daljem tekstu: Ministarstvo) zaprimilo je zahtjev Visoke škole za finansije i računovodstvo FINra Tuzla broj: 01-757-1/20 od 14.07.2022. godine, za licenciranje studijskog programa prvog ciklusa studija „Ekološka poljoprivreda“. Postupajući po predmetnom zahtjevu, u skladu sa odredbom člana 27. stav (4) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 5/22, 11/22 i 16/22, u daljem tekstu: Zakon) i člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22, u daljem tekstu: Pravilnik), Ministarstvo obrazovanja i nauke Tuzlanskog kantona, rješenjem broj: 10/1-34-026391-1/22 od 01.09.2022. godine, imenovalo je Komisiju za licenciranje studijskog programa prvog ciklusa studija „Ekološka poljoprivreda“ na Visokoj školi za finansije i računovodstvo FINra Tuzla (u daljem tekstu: Komisija).

U postupku vrednovanja predloženog studijskog programa, u skladu sa kriterijima za licenciranje utvrđenim članom 8. Pravilnika, Komisija je Zapisnikom od 28.09.2022. godine konstatovala utvrđene nedostatke i isti dostavila Ministarstvu na dalje postupanje. Na osnovu Zapisnika Komisije Ministarstvo je visokoškolskoj ustanovi uputilo akt broj: 10/1-34-026391-5/22 od 21.10.2022. godine, kojim je istoj ukazalo na nedostatake utvrđene od strane Komisije i tražilo otklanjanje istih za što je visokoškolskoj ustanovi, u skladu sa odredbom člana 13. stav (5) Pravilnika, ostavljen rok od 60 dana. U postupku po navedenom aktu Ministarstva, visokoškolska ustanova dostavila je dokumentaciju u prilogu akta broj: 01-1681-1/22 od 19.12.2022. godine, koja je dostavljena Komisiji na razmatranje. Nakon provedenog postupka i ocjene svih dokaza pribavljenih u predmetnom postupku, Komisija je u skladu sa odredbom člana 18. Pravilnika sačinila i Ministarstvu dostavila Izvještaj u kome je, između ostalo, navedeno sljedeće:

„Predloženi studijski program svojom strukturom usklađen je sa članom 126. stav (2) Zakona kojim je propisan sadržaj studijskog programa, odnosno isti sadrži minimum propisanih elemenata. Takođe, predloženi studijski program svojom strukturom prati principe Bolonjske deklaracije. Komisija ima zadatak da ocijeni da li u momentu razmatranja pojedinih nastavnih jedinica i akademskih sadržaja istih postoji ili ne postoji ispunjenost pojedinih kriterijuma propisanih važećim propisima, s obzirom na to da je zadatak nadležnih organa da u perspektivi ocijene način na koji se dati studijski program implementira. Kada je u

Osnivač je putem ugovora o dugoročnom zakupu zaključenog između osnivača (zakupca) visokoškolske ustanove FINra – FINconsult d.o.o. za finansijsko-računovodstveni i upravljački consulting Tuzla i zakupodavca Rudar d.o.o. Tuzla, broj: 1-10-03/16 od 10.03.2016. godine, kao i Ugovora o podzakupu zaključenog između osnivača FINconsult d.o.o. za finansijsko-računovodstveni i upravljački consulting Tuzla i visokoškolske ustanove FINra, broj: 1-19-9/16 od 19.09.2016. godine obezbijedio prostor u površini od 1.138 m². Navedeni prostor sastoji se od prostora prizemlja postojećeg objekta, sa uređenim prilazom i dovoljnim brojem parking mjesta. Raspoloživi prostor ima korisnu površinu od 600 m², dodatni prostor od 388 m², dodatni prostor u Rudaru d.o.o. 150 m², što ukupno iznosi 1.138 m². Predmetni prostor ocijenjen je u prethodnim postupcima licenciranja kao dovoljan kada je u pitanju izvođenje postojeća dva studijska programa. Osim navedenog prostora, visokoškolska ustanova FINra dostavila je i ugovor o zakupu poslovnog prostora broj: 01-1090-1/22 od 01.10.2022. godine površine 600 m², zaključenim sa zakupodavcem DOO RUDAR Tuzla, i predugovor o zakupu poslovnog prostora broj: 01-1090-2/22 od 01.10.2022. godine površine 500 m², zaključenim sa istim zakupodavcem, čime je obezbijedila dodatni poslovni prostor. Visokoškolska ustanova FINra dostavila je i predugovore o korištenju laboratorija i opreme iz priloga istih u svrhu obavljanja studentske prakse i nastave studenata visokoškolske ustanove FINra na studijskom programu „Ekološka poljoprivreda“, i to sa:

- TQM d.o.o. Lukavac, Institut za kvalitet, standardizaciju i ekologiju;
- „MULTILAB“ d.o.o. Tuzla i
- Poljoprivredni zavod Tuzlanskog kantona, Tuzla.

Shodno Standardima za planirani broj studenata na prvoj godini studijskog programa „Ekološka poljoprivreda“, potrebno je obezbijediti optimalno 200 m², minimalno 140 m² a za sve četiri godine studija optimalno 800 m² odnosno minimalno 560 m². Shodno navedenom, može se zaključiti da su zadovoljene propisane norme o površini po jednom studentu za provođenje predmetnog studijskog programa.

Maksimalno opterećenje nastavnika u nastavi predviđeno Standardima iznosi 10 sati predavanja sedmično u okviru 40-satne radne sedmice, prosječno na godišnjem nivou, a za asistenta 15 sati vježbi sedmično prosječno na godišnjem nivou. Nastavnici koji budu držali i vježbe, broj sati vježbi do optimalnog opterećenja se izračunava tako da su dva sata vježbi ekvivalentna jednom satu predavanja. Prema Zakonu (član 25.), visokoškolska ustanova ispunjava kadrovske uslove ako ima u radnom odnosu najmanje jednu polovinu od ukupnog broja nastavnika potrebnih za izvođenje nastave na obaveznim nastavnim predmetima. Uvažavajući ovaj kriterij na osnovu broja sati na obaveznim predmetima na studijskom programu „Ekološka poljoprivreda“ dobijamo sljedeći izračun potrebnog broja nastavnika:

66h predavanja x 15 sedmica = 990 h

76h vježbi x 15 sedmica = 1140 h

990/300 = 3,3 nastavnika za predavanja

1140/550 = 2,07 nastavnika za vježbe

Ukupno 5,37 nastavnika, a polovina od tog broja iznosi 2,68 nastavnika.

Prema dostupnim podacima, na VŠU osiguran je potreban nastavni kadar za realizaciju predmetnog studijskog programa obzirom da se je iz prethodne tabele vidljivo da na prve dvije godine studija VŠU u radnom odnosu ima 3,5 nastavnika dok je minimalan potreban broj nastavnika po Standardima 2,68 za izvođenje nastave na svim godinama predmetnog studijskog programa.

Što se tiče neakadenskog osoblja, prema dostupnim podacima predmetne visokoškolske ustanove ista je angažovala potrebno neakademsko osoblje u skladu sa Standardima i normativima visokog obrazovanja Tuzlanskog kantona.

Analiza strukture studijskog programa „Ekološka poljoprivreda“ pokazuje da je on usklađen sa principima Bolonjske deklaracije. To se ogleda u sljedećem:

- Jasno je za svaki nastavni predmet naveden broj časova predavanja i vježbi, te vrijednost ECTS bodova (European Credit Transfer System) koji nosi određeni predmet,
- Zbir bodova svih predmeta u jednoj godini je 60 ECTS bodova,
- Način polaganja ispita, pri čemu se sve aktivnosti studenta predviđene silabusima boduju, predispitne obaveze (kolokvijumi, projekti, seminarski radovi) i završni ispit,
- Kroz silabuse pojedinačnih nastavnih predmeta je vidljiva vrijednost predmeta u ECTS bodovima, ishodi učenja, ciljevi učenja i sadržaj nastave po predviđenim sedmicama nastave, kao i način

sticanje bodova (te vrijednost bodova za svaku aktivnost) kroz različite predispitne obaveze i završni ispit.

Cijeneći sve ranije navedeno Komisija daje pozitivnu ocjenu vezano za licenciranje studijskog programa „Ekološka poljoprivreda“. Konačna ocjena Komisije je donesena jednoglasno i nema izdvojenih mišljenja.“

Na osnovu konačne ocjene i mišljenja Komisije, u skladu sa odredbom člana 27. stav (6) Zakona i člana 21. stav (1) Pravilnika, odlučeno je kao u izreci ovog rješenja.

Pouka o pravnom lijeku: Protiv ovog rješenja može se izjaviti žalba Komisiji za drugostepeno upravno rješavanje Vlade Tuzlanskog kantona, u roku od 15 dana od dana zaprimanja rješenja.

DOSTAVITI
1x FINra (sa dostavnicom)
1 x evidencija
1 x a/a

EĐ/AM

